

## VOORBLAD

18 Oktober 2012

Jaargang 5 – Uitgawe 37

### In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

## Kan ons alles in die sosiale media ernstig neem?

**Ons samelewing aanvaar algemeen dat dit van deurslaggewende belang is vir enige organisasie om op die sosiale media sigbaar te wees, anders bestaan die organisasie eenvoudig nie in die bewussyn van mense nie. Daarom het ons Kerk ook 'n Facebook-blad wat enersyds dien as 'n bykomstige kommunikasiekanaal, en andersyds as 'n gespreksruimte waar lidmate van die Kerk en ander kan saampraat oor aktuele kerksake.**

Daar is dikwels kommentare in die sosiale media soos Twitter en Facebook wat die lesers daarvan ontstel, soms met reg. Soms, egter, is daar hewige reaksie deur oningeligte deelnemers. Veral op kerklike Facebook-bladsye word *feite* dikwels die wêreld ingestuur wat lidmate erg kan omkrap. Hoe kan ingeligte opinies van enkelinge se menings of selfs kwaadwillige bewerings onderskei word? Is daar 'n manier om die koring van die kaf te skei? 'n Paar eenvoudige vrae mag dalk help.

### Hoe geloofwaardig is die bewerings of *feite*?

Soms is die *feite* wat vir die waarheid aangebied word, opsigtelik onwaar. Ander bewerings mag op die oog af redelik en waar klink, maar as dit krities ondersoek word, blyk dit soms dat persone buite konteks aangehaal word, of dat *feite* skeefgetrek word, of dat *feite* soms gefabriseer word om 'n argument of siening te staaf. Dit bring ons vanself by die volgende vraag.

### Is die bewerings bewese en geverifieer?

Voordat enige bewering wat gemaak word as evangelie aanvaar word, behoort dit bevestig te word. Ons behoort dus te vra of die bewering getoets is, deur wie en waaraan. Dit is belangrik dat die bevestiging uit 'n onafhanklike oord kom, en nie net 'n klakkelose herhaling van ongetoetste bewerings is nie.

### Word argumente volgens aanvaarde reëls van logika en debatvoering gestel?

Debatte op Facebook is dikwels emosioneel van aard en nie rasioneel nie. In stede daarvan dat 'n standpunt beredeneer word, ontaard gesprekke in persoonlike aanvalle. Swak argumente word ondersteun deur aanvalle op die persoon van diegene wat anders dink.

Facebook-komentators is ook geneig om na 'n bekende persoon se opinies te verwys om hul argumente te ondersteun. Weer eens behoort hierdie sogenaamde gesagsfigure se kennis, insig en verwysingsraamwerk krities in oënskou geneem te word. Selfs mense wat gesag afdwing se opinie is nie noodwendig korrek nie.

Die gebruik van strooiopargumente is nog 'n tegniek wat deur kommentators ingespan word. Die opponent se argument word eers skeefgetrek en dan ongenadiglik aangeval. Die kommentare op strooiopargumente spreek boekdele en is gewoonlik vir niemand heilsaam nie.

### Hoe geloofwaardig is die outeur?

Almal se opinie word deur sy of haar eie maatskaplike, politieke en ideologiese verwysingsraamwerk beïnvloed, ook dié van gelowiges. Ons mag dus vra deur watter bril 'n skrywer kyk, en wat sy of haar motivering of agenda is. Ons mag vra of die skrywer dikwels soortgelyke stellings maak. Ons mag wonder oor die skrywer se teologiese kennis, en ons mag vra of die skrywer se styl en aanslag die vrugte van geloof weerspieël.

### Hoe wyd word die standpunt gehuldig?

Sommige mense maak gereeld wilde stellings. Maar hoeveel mense deel dieselfde mening? En wat sê kerklike vergaderings, wat is die besluite van die vergaderings van die ampte wat die uiteenlopende opinies oorweeg en geweeg het? Wat sê ander gelowiges, ook buite ons eie Kerk?

Die sosiale media bied wel nuwe ruimtes om inligting te bekom en menings te vorm, maar plasinge in die sosiale media behoort krities geëvalueer te word voordat ons 'n opinie daarvoor vorm. Dit geld natuurlik ook hierdie artikel!

Dave Lizamore, Philadelphia

### Skakels

Webblad van die Hervormde Kerk [www.nhka.org](http://www.nhka.org)

Die Hervormer [www.hervormer.co.za](http://www.hervormer.co.za)

e-Hervormer [www.hervormer.co.za/e\\_Hervormer.html](http://www.hervormer.co.za/e_Hervormer.html)

Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)

## BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhka.org](http://www.nhka.org) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

### Vakante standplaas

- **Gemeente Hendrina** in Mpumalanga beskik tans oor 'n **vakante deelsorg/deeltydse standplaas** (afhangende van die kandidaat). Die kerkraad het die proses begin om 'n beroep uit te bring. Enige belangstellende predikant of proponent kan 'n CV **voor 20 Oktober 2012** stuur aan die skriba, Johan Beetge, by [hendrinameule@vodamail.co.za](mailto:hendrinameule@vodamail.co.za), of aan die kassier, Wessel Swart, by [WSwart@roshcon.co.za](mailto:WSwart@roshcon.co.za). Die kerkraad is egter nie verplig om vir enige van die aansoekers 'n beroep aan te bied nie.
- **Gemeente Randfontein Midpark** beskik oor 'n **vakante voltydse standplaas** en beplan om eersdaags te beroep. Die gemeente bestaan uit 380 belydende lidmate met 'n gemiddelde ouderdom van sowat 45 jaar. Daar is begroot vir 'n traktement volgens skaal tot 8 jaar. Predikante wat belangstel, word genooi om **voor 31 Oktober 2012** met die skriba, mev Hester Esterhuizen, by 011 692 3236, of ds Wilhelm Steyn by 012 348 2932 in verbinding te tree. Die gemeente behou die reg voor om enige predikant van die Kerk te beroep, en is nie verplig om net uit die persone wat met die gemeente geskakel het, 'n keuse te maak nie.

## PREDIKANTE EN GEMEENTES

Stuur asseblief berigte oor lief en leed aan [produksie@nhk.co.za](mailto:produksie@nhk.co.za).



Dr Frans Boshoff

- Emerituspredikant **dr Frans Boshoff** het onlangs 'n knieervangingsoperasie ondergaan. Ons bid dr Boshoff algehele en spoedige herstel toe.
- Op Vrydagmiddag 12 Oktober het die **Kommissie van die Algemene Kerkvergadering (AKV) en die dosente van die Fakulteit Teologie** aan UP 'n **konstruktiewe gesprek** gevoer oor die teologiese opleiding en die vryheid van die eksegeet. As inleiding tot die gesprek het prof Ernest van Eck 'n opsomming voorgehou van die advies wat prof Ben Engelbrecht presies 50 jaar gelede (1962) aan die destydse Kommissie van die AKV gegee het ten tye van die Geysersaak. Ds Dries Beukes het namens dr Daan van Wyk (jr) inleidende opmerkings gemaak oor die Kerk se verwagtings van die teologiese opleiding, waarna die gesprek spontaan en in 'n goeie gees plaasgevind het. Die Kommissie en dosente was dit eens dat sulke geleenthede meer gereeld in die toekoms moet plaasvind.
- Die **Hervormde Teologiese Kollege (HTK)** bied op **Woensdag 31 Oktober om 19:00** 'n gratis **openbare lesing** aan waartydens **prof Andries van Aarde** oor sy veelbesproke boek *Fatherless in Galilee* praat. Hy sal verduidelik waarom die boek geskryf is, en onder meer praat oor insigte wat Jesus-studies oor die afgelope 200 jaar opgelewer het vir nadenke oor onderwerpe soos Jesus en die kerk, Jesus en die nasie, Jesus en die publiek, en Jesus en die universiteit. Die gesprek vind plaas in die Teologiegebou, lokaal 1-25. Belangstellendes kan dr Christo van der Merwe by [christo.vandermerwe@up.ac.za](mailto:christo.vandermerwe@up.ac.za) kontak vir meer inligting. Daar is ook 'n inleidende artikel van ds Ockie van Schalkwyk oor hierdie onderwerp op die webblad van *Die Hervormer* by <http://hervormer.co.za/gesprek/>.
- Gemeentes word vriendelik daaraan herinner dat die huidige boekjaar van die **Bybelgenootskap** op **31 Oktober** sluit. Bydraes aan die Bybelgenootskap moet die Bybelgenootskap dus **voor 31 Oktober** bereik om in die verslae aan die

Bydraes vir maandelikse plasing in die *e-Hervormer* moet asseblief teen Dinsdaemiddag 16:00 **OP DIE LAATSTE** na [produksie@nhk.co.za](mailto:produksie@nhk.co.za) gestuur word.



Gesprek met dosente van die Fakulteit Teologie





ringsvergaderings en AKV van 2013 gereflekteer te kan word. **Alle gemeentes in die RSA** word daaraan herinner dat bydraes asseblief direk oorbetaal moet word aan die Kempton Park Administratiewe Sentrum **en nie** aan enige ander Streekkantoor van die BSA of die ring of die Raad van Finansies nie. Gemeentes moet hul eie donateursnommer (soos wat dit in die gereelde finansiële state verskyn) as verwysing gebruik. **Let asseblief daarop dat daar nuwe nommers toegeken is aan 'n aantal gemeentes wat voorheen vanuit Bloemfontein bedien is maar in Gauteng, Mpumalanga of Noordwes geleë is. Moet asseblief nie die ou nommers gebruik nie.** Die BSA se **bankbesonderhede** is soos volg: Bybelgenootskap van Suid-Afrika, ABSA Kempton Park, takkode 632 005, rekening nommer 260 220 748. Bevestig alle inbetalings per faks by 011 970 2506, of per e-pos aan [nortje@biblesociety.co.za](mailto:nortje@biblesociety.co.za). Die **bydraemikpunt** vir vanjaar is steeds **R35** per belydende lidmaat.



- Die **Bybelgenootskap van Namibië** se finansiële boekjaar sluit op **31 Desember**. Gemeentes in die **ring van Dorsland** word vriendelik versoek om hul bydraes aan die Bybelgenootskap **teen einde Desember** oor te betaal. Die deurkollektes van Hervormingsondag (28 Oktober) moet asseblief saam met bogenoemde teen einde Desember oorbetaal word. Die bydraemikpunt soos vasgestel deur die AKV is R35 per belydende lidmaat. Die **bankbesonderhede** is soos volg: Bybelgenootskap van Namibië, Bank Windhoek, takkode 482172, rekening nommer 113 125 2201. Gemeentes moet hul **naam** (NH Windhoek) as verwysing gebruik wanneer oorbetalings gemaak word. Indien oorbetalings nie direk in die bankrekening van die Bybelgenootskap gedoen kan word nie, kan dit gepos word na Privaatsak 13294, Windhoek. Ds Bernie van der Walt kan by 061 235 090 of 081 127 1694 geskakel word indien daar enige navrae is, of stuur 'n e-pos aan [gensec@nambible.org.na](mailto:gensec@nambible.org.na).
- Die **besonderhede** van **Gemeente Carolina** het vanaf 1 Oktober soos volg verander: Die sekretariële beampte en kassier is mev Bets Froneman. Kantoorure is Woensdae 09:00 tot 13:00 en Donderdae 12:00 tot 16:00. Die telefoon- en faksnommer is 017 843 2172, en die selfoonnommer 083 727 1723. Die gemeente se e-posadres wysig na [nhkcarolina.kerkkantoor@gmail.com](mailto:nhkcarolina.kerkkantoor@gmail.com). Die skriba is nou mnr Nollie de Beer, selnommer 083 264 5424 en e-pos dieselfde as die gemeente s'n.
- **NHSV: Beurse en lenings vir 2013.** Die NHSV beskik oor beurse/lenings vir studente in enige studierigting. Slegs lidmate van die Nederduitse Hervormde Kerk kwalifiseer vir die toekennings. Die lenings/beurse wissel van R2 000 tot R6 000. Aansoekvorms kan afgelaai word by die nuwe webadres, naamlik [www.nhsv.org.za](http://www.nhsv.org.za), onder NHSV kantoor, pro-forma dokumente. Die sluitingsdatum vir aansoeke is **15 November 2012. Geen laat aansoeke word aanvaar nie.**
- **Gemeentes** moet hul **bestellings vir die kerklike tydskrifte** asseblief **teen 1 November** aan mev Susann van Zyl stuur by [sentik@nhk.co.za](mailto:sentik@nhk.co.za) of faks 086 633 4054. Die pryse vir 2013 is soos volg: *Konteks* 10 uitgawes teen R150 (R18 per individuele eksemplaar), *Die Hervormer* 11 uitgawes teen R110 (R12 per individuele eksemplaar), en die *Almanak/Bybelse Dagboek* teen R120.
- **Individue** wat reeds ingeteken is om die **kerklike tydskrifte** te ontvang, moet asseblief aandui of hul intekenings hernu moet word. Dit sal nie outomaties voortgaan sonder dat u bevestig nie. Kontak mev Van Zyl asseblief **ook voor 1 November** daaroor.
- Talle van die Kerk se **emeriti** wil graag die **kerklike tydskrifte** (*Konteks* en *Die Hervormer*) en die *Almanak/Bybelse Dagboek* ontvang maar kan dit nie bekostig nie. Lesers wat bereid is om 'n **bydrae** te maak sodat die publikasies gratis aan emeriti voorsien kan word, kan hul bydrae inbetaal by die volgende bankrekening: Raad van Finansies; ABSA; tjekrekening nommer 020-000-287; takkode 632-005; verwysing SENTIK-EM.



- Die besending **Kerkbybels** wat teen net R100 elk beskikbaar was, is **uitverkoop**, maar SENTIK bied nou 'n verdere hoeveelheid aan teen **R140 elk** (posgeld uitgesluit), solank die voorraad hou. Vanaf 1 Januarie 2013 sal die Kerkbybel weer teen R200 (posgeld uitgesluit) verkoop word. Bestel van mev Susann van Zyl, 012 322 8885 x291, faks 086 633 4054 of e-pos [sentik@nhk.co.za](mailto:sentik@nhk.co.za).

- *Die Hervormer* se webportaal **Teologiese gesprek** het goeie reaksie uitgelok en heelwat lesers het die eerste drie artikels wat daar geplaas is reeds gelees. Hierdie week is daar 'n artikel van ds Tony Simpson (emerituspredikant, Weltevreden) geplaas, wat aansluit by die artikels van dr Johann Beukes en prof Theuns Dreyer. Ds Simpson se artikel is getitel *Die NHK in die huidige tydsgewrig*, en lesers sal dit vind by <http://hervormer.co.za/gesprek/>. Enigeen wat op die gepubliseerde artikels wil reageer of 'n nuwe bydrae wil voorlê, kan dit aan die redakteur van *Die Hervormer*, dr André Ungerer, stuur, by [sentik@nhk.co.za](mailto:sentik@nhk.co.za).



- **AKSIEGROEP VIR BEJAARDES: 'n Wenk vir bejaardesorg**  
Help bejaardes om alle noodnommers in groot druk by hul telefone vas te plak. Vir meer inligting oor bejaardesorg, kyk gerus by [www.diakens.co.za](http://www.diakens.co.za).

- **Gemeente Windhoek** benodig 'n Hervormde predikant om op **Sondag 23 Desember, Sondag 30 Desember en Sondag 6 Januarie** in Windhoek te preek. Die predikant kan gratis in die pastorie bly. Vir meer inligting, kontak die gemeentelike kerkkantoor by [nedherv@mweb.com.na](mailto:nedherv@mweb.com.na), of ds Frans Ras by [fhras@worldonline.co.za](mailto:fhras@worldonline.co.za).

- **Preekbeurte in Dullstroom.** Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of [nhkdullstroom@yahoo.com](mailto:nhkdullstroom@yahoo.com).

## Spesiale eredienste en feesnaweke

- **Optrede van leerders van Prinshofskool en Transoranje-skool se gebaretaalkoor**  
**Sondag 28 Oktober om 08:00: Gemeente Midrand**  
Navrae aan ds Paula Eksteen-Erasmus by 011 702 3046 of 083 282 5121
- **Gemeente Swartkop: Sondag 28 Oktober: Nagmaaldiens**  
Herdenking van 40-jarige bestaan  
Gelei deur ds David Barnard, lank predikant in die gemeente  
Oudpredikante sal die tafels bedien  
Navrae aan Hannelie Beytell by 012 654 3471 of [nhswkop@telkomsa.net](mailto:nhswkop@telkomsa.net)
- **Gemeente Dullstroom: 2-4 November**  
**Viering van 125ste bestaansjaar**  
(Gestig 2 November 1887)  
Oudlidmate, oudpredikante en konsulente kan foto's/ervarings/gelukwensings stuur  
Almal welkom om saam te kom feesvier  
Navrae aan Johanna Pieterse by 072 116 3353
- **Gemeente Pretoria-Oos: 2-4 November**  
**60-jaar-viering**  
Alle oudlidmate welkom  
Nagmaal Sondagoggend  
Feeskonsert Sondagmiddag (sien bladsy 7)  
Navrae aan gemeentelike kerkkantoor by 012 460 8441



- **Gemeente Glencoe: Vrydag 7 Desember: Tyd later bekend**  
Buitediens op walle van die Wasbankrivier, distrik Glencoe, waar die Gelofte die eerste keer afgelê is  
Kliplegging na die diens  
Almal welkom  
Bring 'n klip van jou omgewing saam met die naam van jou gemeente  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)

## Predikanteverjaardae

- **Die volgende predikante verjaar tot 26 Oktober, en word hartlik geluk gewens.**
  - o Donderdag 18 Oktober: Di WP Prinsloo (emeritus), Kiewiet van Deventer (Malelane) en Johan van Staden (Sionspoort)
  - o Vrydag 19 Oktober: Ds Hein Kloppers (Krugersdorp-Oos/Noordrand)
  - o Saterdag 20 Oktober: Ds Gert van Jaarsveld (emeritus)
  - o Sondag 21 Oktober: Ds Jan Grobler (emeritus)
  - o Woensdag 24 Oktober: Ds Johan van Wyk (Rustenburg)
  - o Donderdag 25 Oktober: Prof Eddie Engelbrecht (emeritus) en ds Chris Liebenberg (Waterberg)
  - o Vrydag 26 Oktober: Di Hennie Nel (Potgietersrus) en Skip Scheepers (Middelburg)

## Beplande vergaderings

- Vrydag 19 Oktober: Finkom van die Ondersteuningsraad
- Saterdag 20 Oktober: NHSV Hoofbestuur
- Dinsdag 23 Oktober: Koördineringskomitee  
ADV (Kommunikasie)
- Donderdag 25 Oktober: Raad van Finansies (Begroting)  
Redaksie van *Die Hervormer*  
Werkwinkel van die Ondersteuningsraad
- Vrydag 26 Oktober: Raad van Finansies

## Kursusse en toerusting

- **Gemeente Glencoe: Toerustingskursus: Saterdag 20 Oktober**  
**Op reis – 'n dienswerkreistas**  
Deur ds Hannes Janse van Rensburg van Zuurfontein  
Registrasie 08:00, kursus begin om 09:00  
Koste R60  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)
- **Ring van Oos-Kaapland: Predikantewelstand: 23-26 Oktober**  
Wilgerfontein-wildsplaas, Oos-Kaap  
Daarop gerig om ons Kerk se predikante te verryk en binne 'n ondersteuningsnetwerk te motiveer  
Navrae aan dr Johan Nel 083 400 0267 of ds Danie Taljard 082 901 2021
- **Gemeente Pretoria: Woensdag 31 Oktober vanaf 09:00**  
**39ste Kongres van die Kerkhistoriese Genootskap**  
Tema: *Die Godsbegrip – Reformatoriese perspektiewe*  
Opening deur prof SJ Botha  
Prof IWC van Wyk (AIM): *'Die eerste gebod en die God van die eerste gebod' met verwysing na Philipp Melancthon en Zacharias Ursinus*



Prof CFC Coetzee (Noordwes-Universiteit): *Die Godsbegrip soos dit deur die Heidelbergse Kategismus begrond en bely word*

Ledevergadering 11:30-12:00

Afsluiting 12:00

Uitstalling van gedenkpenninge en historiese munte

Navrae aan dr JMG Storm (083 308 1030 / [nhmeyerspark@lantic.net](mailto:nhmeyerspark@lantic.net))

of dr Christo Pretorius (083 651 9634 / [praetorc@telkomsa.net](mailto:praetorc@telkomsa.net))

- **Gemeente Montana: Vrouekonferensie**  
**Saterdag 3 November 09:00 tot 15:00, registrasie 08:30**  
*Vrugte van die Gees – hoe leef ek as vrou dit uit?*  
Spreker: Belinda Moser van Radio Kansel  
R100 per persoon (verversings en ligte middagete ingesluit)  
Geskenkpakkies en pryse te wen  
Uitstallings se produkte te koop  
Navrae aan Esme Taljaard by 087 802 1109 of [nhkmontana@gmail.com](mailto:nhkmontana@gmail.com)
- **Voortgesette Teologiese Toerusting vir Predikante (VTT)**  
**Dinsdag 6 en Woensdag 7 November**  
Tema: *Missionale Diakonaat. Saam in diens met verstand, hart en hand*  
By Gemeente Wapadrant  
Koste **R320** per persoon  
Verwittig mev Betsie Brits **voor 22 Oktober** van bywoning  
Per e-pos ([betsie.brits@up.ac.za](mailto:betsie.brits@up.ac.za)) of per faks (012 420 4303)  
Registrasiefooi verkieslik vooraf elektronies of per bankdeposito  
Kerkgeld vir Kerkwerk; ABSA; rekening nommer 020 149 752; kode 63 20 05  
Verwysing 2013K VTT (gevolg deur naam van kursusganger)

## Beskikbare behuising

- **Ons Tuis (Riviera)**  
**Tehuis vir versorging van verswakte bejaardes het tans plek beskikbaar**  
Volledige versorgingsfasiliteit wat insluit:
  - o 24-uur mediese versorging
  - o 3 maaltye per dag
  - o Sekuriteit
  - o Gereelde sosiale aktiwiteiteVir meer besonderhede, skakel matrone E Mans by 012 329 3623  
Aansoekvorms kan afgetrek word van [www.otmt.org](http://www.otmt.org)  
of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**  
**Behuising vir seniorburgers**  
Daar is tans die volgende behuising beskikbaar:  
**MET VERSORGING**  
1 dubbelkamer (verkieslik 'n egpaar) – 24-uur-versorging  
Koste per persoon R5 500 per maand  
(sluit in 3 etes per dag, wasgoed en kamer skoonmaak), opnamefooi R3 000  
**SELVERSORGING**
  - o A-gang: 1 enkelkamer, R3 050 per maand  
(ingesluit 3 etes, wasgoed en kamer skoonmaak 1 x per week)
  - o B-gang: 1 dubbelkamer (egpaar) – R3 050 per persoon  
(ingesluit 3 etes, wasgoed en skoonmaak van kamer 1 x per week)
  - o H-gang: 1 ruim kamer met eie badkamer, stoepie en tuintjie  
(ingesluit middagete) – R3 000 per maandEenmalige opnamefooi van R3 000  
Ondersteunende dienste beskikbaar  
**Kontak matrone Alet Botha by 056 811 2185 vir meer besonderhede**



## Konserte en feeste

- **Saterdag 20 Oktober 10:00 tot 19:00: Gemeente Bergsig Musiekfees**  
Sportgronde van Laerskool Mayville, hv Fred Nicholson- en Benitastraat  
Fred Nest met Etienne de Koker, Venita Engelbrecht, Caroline Bosch, Nantes & Adele en Die Rodeo Girls  
Ingangsfooie met 'n gratis worsbroodjie:  
volwassenes en hoërskoolkinders R100, laerskoolkinders R70  
Coolbox Cover-fooie R100  
Worsbroodjies, hoenderburgers, ribburgers, koeldrank, ens te koop  
Stalletjies te huur: publiek R100 en besighede R200  
Staanplek 3 x 5 (bring eie benodigdhede)  
Kontak Elmarie by 082 377 0747 of Neeltjie by 076 428 8142
- **Vrydag 26 Oktober om 19:00: Gemeente Rooihuiskraal**  
Mathys Roets as deel van gemeente se Dankoffermaand  
Toegang gratis  
Kosverkope vanaf 17:00 by kerkgebou  
hv Konstantyn- en Santiestraat, The Reeds, Centurion  
Plaas asseblief vooraf bestellings vir etes  
Geen plekbesprekings vir die vertoning nie – neem van 18:00 af plekke in  
Navrae aan Erika of Karen by 012 657 1281 (Ma-Vry 09:00-12:30)
- **Sondag 4 November om 16:00: Gemeente Pretoria-Oos Songs of Praise** met Richard Cock  
hv Dely- en Matroosbergweg, Waterkloofpark  
Ter viering van gemeente se 60ste bestaansjaar  
Eddie Davey, Pieter van den Berg, Laerskool Constantiapark,  
Laerskool Pretoria-Oos  
Kaartjies slegs by gemeentelike kerkkantoor beskikbaar  
Skakel 012 460 8441 gedurende kantoorure  
Kontak 012 460 8441 / 072 041 3954 met navrae

## Kampe en toere

- **Vrouekamp 2013**  
*My nooi is in 'n nartjie, my ouma in kaneel,  
daar's iemand... iemand in anys,  
daar's 'n vrou in elke geur!*  
Merk jou dagboek: 19-21 April  
Stof af jou gunstelingteekoppie  
Mopani Lodge, net buite Pretoria  
Sprekers ds Janine Bevollo-Manders en ds Marna Naudé  
R550 per persoon (akkommodasie en etes ingesluit)  
Kontak Jana Peenze by 083 7345 426 of [janapeenze@vodamail.co.za](mailto:janapeenze@vodamail.co.za)  
of Stefanie Theron by 082 825 7944 of [stef1@absamail.co.za](mailto:stef1@absamail.co.za)

## Sportbyeenkomste

- **Vrydag 23 November: Gemeente Vaalpark: Gholfdag**  
12de jaar!  
Emfuleni-gholfbaan, Vanderbijlpark  
R1 400 per 4-bal (sluit in baanfooie en aandete)  
Spelers wat onder die eerste 30 eindig (hoogste punte), kwalifiseer vir 'n prys  
Kontak Danie le Roux by 082 816 8453 of Johann Hugo by 082 920 9455



## Kompetisies en fondsinsamelings

- **Gemeente Brits: Boufondsversoek**  
Dra by tot die gemeente se boufonds  
SMS **KERK** na **48716** en dra R10 by  
Fondse word gebruik om die geboue te herstel  
Meer as een SMS is baie welkom  
Navrae aan ds Kobus Celliers by 012 252 0158
- **Gemeente Hartebeeshoek: Fotokompetisie**  
Tyd om kameras op te neem en te begin soek na *VOETE* en/of *SKOENE*  
Tema: *In sy voetspore*  
Reëls en voorwaardes geld  
Goeie pryse met professionele beoordeling  
Kontak Theresa Oosthuizen by [theresa@northernfoods.co.za](mailto:theresa@northernfoods.co.za)
- **Gemeente Horison Roodepoort: Naweek van 26-27 Oktober**  
Liturgiese blommeskou by die kerk  
Alle blommerangskikkers word genooi om in te skryf  
Vir meer inligting of 'n inskrywingsvorm, kontak Hannie Cripps by 084 549 4102
- **Gemeente Kampersrus: Vakansiekompetisie**  
**Trekking: 27 Oktober**  
Wen naweek ter waarde van R28 000  
3 nagte verblyf vir 2 persone in 5-ster Kapama Lodge  
(alle etes asook wildritte ingesluit)  
Olifantritte, lugballonrit, spabehandeling in hartjie van Bosveld  
Besoek aan Cheetah-projek in Hoedspruit en R2 000 sakgeld  
Kaartjies R100 elk  
Navrae aan ds Marius Kramer by 083 310 6042  
of by gemeentelike kerkkantoor [kampersrus@nhk.co.za](mailto:kampersrus@nhk.co.za)

## Basaars en markte

- **Vrydag 26 Oktober vanaf 09:00: Gemeente Piet Potgieter op Potgietersrus**  
**Jaarlikse Kersmark**  
Unieke Kersgeskenke en 'n middag- en aandete  
Gebak en speletjies vir die kinders  
Skakel Anna by 084 580 7050
- **Vrydag 26 en Saterdag 27 Oktober: Gemeente Witfield in Boksburg**  
**Basaar**  
**Vrydag** vanaf 16:00  
Proe-aand van wildsvleis, R20 per bord  
Raai reg en wen 'n blesbok  
**Saterdag** van 09:00 tot 13:00  
Al die gewone lekkernye  
Skyfskietkompetisie, tombola, bingo, Fantasia Models  
Swartwitpens Jagtersvereniging: aanbieding oor wapenveiligheid  
Vendusie: skryf Pa in om 'n koek te versier  
Navrae aan Adri Nel by 011 826 5978 of 084 200 1027
- **Saterdag 27 Oktober: Gemeente Kempton Park-Oos**  
**Bosveld Kontreifees**  
09:00 tot 17:00  
Verskeie uitstallers, kosstalletjies, pret vir kinders, potjiekoskompetisie  
Mnr & Mej Kontreifees  
Gaskunstenaar Thys die Bosveldklong om 14:00  
Toegang R10 per persoon  
Kontak ds Anneline Geyer by 082 924 7344





- **Vrydag 2 November: Gemeente Benoryn: Kers-nagmark**  
17:00 tot 21:00  
hv Struben- en De Miststraat, Rynfield, Benoni (langs Linmed-hospitaal)  
Pannekoeke, boereworsrolle, vetkoeke, kerrie-en-rys, skaappotjie (bestel vooraf vir die potjie)  
Koop al jou Kersversierings en geskenke by ons!  
Kinders kom gooi jul briefies vir Kersvader in ons posbus  
Kom geniet aand onder die sterre  
Navrae en kosbestellings aan ds Marlize Gasson by 072 117 0317 of 011 849 1179
- **Saterdag 3 November: Gemeente Koster: Kersmark**  
Op kerkterrein in Sauerstraat, Koster  
Van 08:00 tot na middagete  
Sanger Henry van Dyk  
Genoeg te koop in verskillende prysklasse  
Geskenke: lekkernye, juwele, naaldwerkitems, skilderye, versierings vir binne en buite die huis, Persiese mat, speelgoed, u spesiale foto met u naam se betekenis daarby, drukwerk op hemde of koffiebekers, borduurwerk, handsakke, serpe...  
Vleisafel met kwaliteit en billike pryse  
Al die tradisionele eet- en drinkgoed  
Middagete: skaap op die spit met slaai en varsgebakte brood  
Teetuin heeldag beskikbaar, volop parkering  
Navrae aan dr Elmie Castleman by 014 566 1447
- **Saterdag 3 November en elke eerste Saterdag van die maand daarna Gemeente Rustenburg: Gesinsmark**  
09:00 tot 15:00  
By tweede kerkterrein te Rhenosterfontein, buite Rustenburg  
Slegs handgemaakte produkte, vars produkte uit die grond en items wat Trots Suid-Afrikaans is  
Gaskunstenaars, aktiwiteite en stalletjies wat kinders betrek  
Nog enkele stalletjies beskikbaar  
Vir meer besonderhede, kontak Mari by 084 208 7445

**Gemeente Ogies is 60 jaar oud!**

Om dit te herdenk, word 'n feesnaweek beplan vir 16 tot 18 November 2012  
Gemeentelede en alle belangstellendes kom op die kerkterrein kamp

**Vrydagaand 18:30 Mathys Roets – toegang gratis**  
**Saterdag 19:00 Kerssangdiens**  
**Sondag 09:30 Nagmaal**  
Alle oudlidmate en -predikante welkom om saam hierdie mylpaal te kom herdenk  
Vir meer inligting, skakel ds Robby Pienaar by 083 457 5956 of Ivan Enslin by 082 386 2500 of Louwtjie Joubert by 082 492 3837

## ANDER NUUS

- **Oktober = Internasionale Swangerskap- en Babaverlies-bewuswordingsmaand.** Alle ouers en families wat 'n swangerskapverlies (miskraam of stilgeboorte) of 'n neonatale babadood ervaar het, kan die Herinneringsdag bywoon om die bestaan van hierdie babas te herdenk – dalk die mees onerkende verlies in ons samelewing!





o **Sondag 28 Oktober om 11:00**

Wiesenhof Legacy Park (geleë op die R44 net buite Stellenbosch)

Gasspreker Braam Klopper

Onthou-staptog, plant 'n Boom van Herinnering en hou piekniek in die natuur  
Toegang gratis

Vir meer inligting en RSVP: [Luzanne@mymiskraam.co.za](mailto:Luzanne@mymiskraam.co.za)

of skakel 082 335 3975

Sien ook <https://www.facebook.com/#!/events/358751610870011/>

o **Sondag 28 Oktober om 12:00**

Brooklyn Metodistekerk (Botshelo House), Murraystraat 209, Brooklyn

Klein intieme seremonie waartydens 'n Boom van Herinnering geplant word  
ter herinnering aan die babas

Toegang gratis

Gesamentlike inisiatief van The Compassionate Friends (Pretoria), Sonja

Smith Begrafnisgroep en Butterfly Moms

Vir meer inligting en RSVP: [retha7@gmail.com](mailto:retha7@gmail.com) of [leial.dewet@gmail.com](mailto:leial.dewet@gmail.com)

of skakel 0820511563

Sien ook <https://www.facebook.com/#!/events/235155129945392/>

• **VAKATURES VIR ONDERWYSPORTE**

Privaatskool met 210 leerlinge

100 km noord vanaf Polokwane, Alldays-rigting

1. Onderwyser in Engels (Tweede Taal) grade 8-12

2. Onderwyser in Wiskunde

Basiese onderwyskwalifikasies – Wiskunde vir graad 12

**Aanvangsdatum: Januarie 2013**

*Posvereistes:*

• Erkende onderwyskwalifikasie noodsaaklik;  
matriekondervinding sal voordeel wees

• Bewese ondervinding in aanbieding van die vakke

• Beginselvaste, belydende lidmaat van een van dié 4 Kerke:  
Hervormd, Gereformeerd, NG, APK

• Getuigskrif van predikant

• Onderrig in Afrikaans

Verblyfeenhede op perseel vir gebruik van personeel

Wanneer alle eenhede vol is, sal ander verblyf gereël word

Stuur CV en getuigskrif van predikant na [global@workforceworldwide.com](mailto:global@workforceworldwide.com)

Navrae aan Janet Lourens van Workforce Worldwide by 011 532 0000

## Transoranje-skool vir Dowes

- **PROJEK SONSKYN.** Transoranje-skool vir Dowes het 'n dowe dogter wat nuwe **gehoorapparate** benodig. Sy ly ook aan 'n ernstige hartdefek. Donasies is reeds ontvang, maar daar kort nog 'n bedrag van R3 420 om haar te help. Donasies kan gestuur word aan die Transoranje Instituut, Posbus 2921, Pretoria 0001, of gedeponeer word in die volgende rekening: **Transoranje Instituut; ABSA; rekening nommer 020 840 145; kode 323 145; verwysing: Gehoorapparaat.** Die doel van Projek Sonskyn is om behoeftige kinders met 'n gestremdheid 'n gelyke kans te bied.

• **KERSMARK**

**23 November tot 2 Desember**

Tshwane Events Centre, Saal L, ingang hek P8 in Kerkstraat

Gratis toegang, kaartfasiliteite, 300 uitstallings, teetuin

Fondse ten bate van die kind met doofheid

## Beeld-Kinderfonds 2012

- **KOMPETISIE**

Kaartjies vir die kompetisie om fondse vir die versorging van kinders in te samel, kos **R25** elk, waarvan R12,50 aan elke deelnemende welsynsorganisasie terugbetaal word. Wen 'n motor, 'n seereis, 'n vakansie of kontantpryse. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.

- **KERSKONSERT**

**Woensdag 28 November**

Moreletapark-gemeente

Juanita du Plessis, Manie Jackson, Joe Niemand, Nadine en ander

Besprek by [iTickets.co.za](http://iTickets.co.za) of per telefoon by 086 100 0291

## Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na [produksie@nhk.co.za](mailto:produksie@nhk.co.za). **GEEN** advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. **Die koste is R150 per plasing (BTW ingesluit).**

Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads**. Adverteerders moet asseblief daarvan kennis neem dat die **laaste uitgawe van die e-Hervormer vanjaar op Donderdag 29 November** verskyn, en die **eerste uitgawe van 2013 op Donderdag 17 Januarie**.

## AGTERBLAD

### Advent – terwyl ons wag

Die November 2012-uitgawe van *Die Hervormer* sal volgende week beskikbaar wees.

Hierdie is die Advent-uitgawe. Advent is die tyd om voor te berei vir die wederkoms – 'n tyd gevul met afwagting, voorbereiding en verlange. Lees wat dr Ananda Geysler-Fouché oor Advent skryf, en volg die teologiese debat verder met dr Johann Beukes se verheldering van begrippe rondom die Hervormde middelgrond. Dr Johan Nel vra in sy oordenking wat dit beteken as dit met ons góed gaan.

\*\*\* Individuele eksemplare van hierdie uitgawe is beskikbaar teen R10 elk (posgeld uitgesluit). Kontak mev Susann van Zyl by 012 322 8885 x291 of [sentik@nhk.co.za](mailto:sentik@nhk.co.za). Besoek die webwerf [www.hervormer.co.za](http://www.hervormer.co.za) en kry 'n oorsig oor wat in uitgawes sedert Januarie/Februarie 2008 verskyn het.

